



# Ofisa o Fuainumera Faamauina

## Tala o le Tamaoaiga

Kuata o Mati 2020

### Aotelega

03 Iulai 2020

#### Otootoga:

- Faaitiitia le tamaoaiga i le 4.2%.
- Tamaoaiga fua i tau o oloa o le 2013 (real): WST \$486.7 miliona
- Tamaoaiga fua i suiga o le tau o oloa i totonu o le kuata (nominal) - WST \$541.4 miliona.

#### Mataupu o i le ripoti:


Folamua & Aotelega	1
Faapaseneina o le suiga o le tamaoaiga	1-2
Suiga o le Tamaoaiga	2
Faapaseneina o le sao o Vaega Maoti i le tamaoaiga.	2
Tamaoaiga o le Kuata	3-9
Iloiloga o le Tamaoaiga ma Atina'e mo le Lumana'i	10-14
Pepa Faapoopo - Tamaoaiga i ona Vaega Maoti	

I le maea ai o le kuata o Mati 2020, sa faamauina ai le faaitiitia ole tamaoaiga ole atunuu ile 4.2%; o le taimi lona lua lea ua pau maualalo ai le tamaoaiga talu mai le kuata o Iuni 2018. E sosoo lea pau i le tamaoaiga ma le pau e 3.7% ile kuata o Tesema 2019. O le tamaoaiga i le kuata o Mati 2020 pe a fua i le tau o oloa o le tausaga faavae 2013 e \$486.7 miliona, o le tamaoaiga maualalo lea ua ausia i le fitu o kuata sosoo. O le tulaga vaivai o le tamaoaiga sa faamauina ile atunuu sa mautinoa ona o'aafiaga o le faamai pipisi o le misela na faauau mai lava seia oo mai i le amataga o le kuata o loo iloilo ina faatasi ai ma le faamalosia o Poloaiaga mo Faalavelave Tutupu Faafuasei e puipui ma tete atu ai ile faamai 'oti o le Corona (Covid-19) i le faaiuga o le kuata o Mati 2020. I lona aotelega, o gaoiga i le vaega o Auaunaga (Tertiary Sector), Oloa Gaosi (Secondary Sector) ma le vaega o atina'e amata (Primary Sector) na faaitiitia i le 0.7%, 16.6% ma le 8.1% i le kuata o Mati 2020.

#### Suiga o le Tamaoaiga:


Ole tamaoaiga ile kuata o Mati 2020 e \$486.7 miliona pea fua ile tau o oloa o le tausaga 2013 (real GDP). Na faaitiitia le tamaoaiga ile 4.2% fua ile kuata o Mati 2019; e sosoo lea ma le tuutiitia o le tamaoaiga ile 3.7% i le kuata o Tesema 2019.

#### Kalafi 1: Tamaoaiga ma suiga, Mati 2016 - Mati 2020



O loo faaalua i le Kalafi 1 ile Tamaoaiga amata mai i le kuata o Mati 2016 seia oo i le kuata o Mati 2020 faatasi ai ma ona suiga fua i le kuata lava lea o le tausaga ua te'a. Pei ona faaalua, na pau maualalo le tamaoaiga i le kuata o Tesema 2019 ma Mati 2020; o loo atagia mai ai le aafiaga ogaoga ona o le faamai o le misela faapea pui-puiga a le malo mo le faamai oti o le corona. Na aafia uma ai gaoiga masani a pisinisi, o femalagaiga, o galuega ma isi auunaga e masani ona manaomia tele i amataga o tausaga taitasi.

#### Kalafi 2: Faapaseneina o le sao o Vaega Maoti taitasi i le tamaoaiga, Kuata o Mati 2020



O le kalafi 2 o loo faaalua ai le sao o vaega maoti taitasi ile aotelega i le suiga o le tamaoaiga ile kuata o Mati 2020. O le maualalo o le tamaoaiga na tula'i mai ile tulaga faaletonu i vaega maoti e pei o Galuega Tetele ma le vaega Gaosi Meaai ma Vaiinu i o la sao e -1.2 ma le -1.1 pasene. O Auaunaga Taitoatasi & Isi, Fefaatauaiga, Auaunaga Faapisinisi ma Felauaiga na iai o latou sao e -0.6 pasene mo vaega taitoatasi.


O le vaega o Galuega Tetele e pito tele lona sao (-15.8%) i le pau o le tamaoaiga i le kuata o Mati 2020 fua i le kuata o Mati 2019. O le vaega Gaosi Meaai & Vaiinu na faaitiitia i le 24.2% lona sao i le kuata o loo iloilo ina; o Auaunaga Taitoatasi & Isi na faapena foi ona tuutiitia i le 23.4% i le piriota o loo iloilo ina. O Fefaatauaiga na pau i le 1.7% sosoo ai ma le vaega o Auaunaga Faapis-

inisi ma Felauaiga i o la sao taitoatasi e -15.4% ma le -14.6%. O tulaga lelei sa ausia e le vaega o Fesootaiga, Auaunaga Faafaletupe ma le vaega o e umia fale e le'i lava lona malosi e tete'e ai aafiaga o vaega na faaitiitia o latou tamaoaiga ile kuata o loo iloiloaina.

**Aotelega o le tamaoaiga, fua i le tau o oloa i le kuata o Mati (Nominal):**

A fua i le tau o oloa i totonu o le kuata o Mati 2020, e \$541.4 miliona le tamaoaiga sa mafai ona faamauina. Ua maualalo lea tamaoaiga ausia i le 2.9% faatusa i le kuata lava lea o le tausaga 2019. O lenei tulaga na afua mai i le vaivai o le tamaoaiga maua mai i vaega Gaosi Meaai & Vaiinu, Faigafaiva, Auaunaga Taitoatasi & Isi, Felauaiga, Galuega Tetele ma Auaunaga Faapisinisi i o latou pau faapaseneina e 27.8%, 22.5%, 21.8%, 15.8%, 14.9% ma le 13.7% fua i o latou tamaoaiga sa faamauina i le kuata o Mati 2019.

**Kalafi 3: Pasene o Vaega Maoti, Kuata o Mati 2020**




O le Kalafi 3 (o loo i luga) o loo faamanino atu ai le faapaseneina o le sao o vaega taitasi i le tamaoaiga maua i le kuata o Mati 2020. O le vaega o auaunaga (Vaega 3) o loo taimua pea i le tele o lona sao i le tuufaatasiga o le tamaoaiga fua i le tuufaatasiga o le tau o oloa e tusa ma le 75.0%. O lea fuainumera ua siitia i le 2.5% pea fua i le kuata lava lea o le tausaga ua tea. O le siitaga i sao o vaega o Fefaatauaiga, Fesootaiga, Auaunaga Faafaletupe ma le vaega a le Malo na fesoasoani i le siitia ile aotelega o le sao o Auaunaga. O le vaega o loo Gaosia Oloa (goods producing industries) o loo lona lua lona sao e 14.9% lona tamaoaiga i totonu o le kuata; ma e 2.3 pasene na tuutiitia ai pea fua i le kuata lava lea o le tausaga ua te'a. O vaega maoti taitasi na pau maualalo lo latou tamaoaiga fua i le kuata o Mati 2019. O le vaega faavae (Primary sector) e 10.2% lona sao i le aotelega o le tamaoaiga e tusa lea ma le 0.3% ua faaitiitia ai fua i le kuata lava lea o le tausaga ua te'a.

**Iloiloga o le sefululua masina mo le tausaga faaiu ia Mati:**


O le tamaoaiga faamauina o le tausaga faaiu ia Mati 2020 (Aperila - Mati) pea fua ile tau o oloa i totonu o le tausaga e \$2,225.3 miliona ma e 1.7% ua siitia ai mai ile \$2,188.7 miliona ile tausaga faaiu ia Mati 2019. Na faamauina le \$11,056 o le tamaoaiga mo tagata taitoatasi mo le sefululua masina (GDP per capita); e 0.8% ua siitia ai fua i le tausaga faaiu ia Mati 2019. O le tamaoaiga na faamauina ile tausaga faaiu ia Mati 2020 pea fua i le tau o oloa ile tausaga faavae 2013 e \$2,033.3 miliona; ua siitia ile 0.7% mai ile \$2,018.7 miliona faamauina i le tausaga faaiu ia Mati 2019.

**Kalafi 4: Gasologa o le Tamaoaiga, Aperila 2019 - Mati 2020**



O le kalafi 4 o loo faaalua ai le gasologa o le tamaoaiga mai ile tausaga faaiu ia Mati 2015/16 agai ile 2019/20. O loo faamauina ai le siitia o le tamaoaiga i le fa tausaga sei vagana ai le tausaga faaiu ia Mati 2017/18 na faamauina ai le pau o le tamaoaiga i le 1.2% fua i le tausaga faaiu ia Mati 2017. O le tulaga lelei i le tausaga o loo iloiloaina na mafai mai i le tulaga lelei o le tamaoaiga i kuata o lona ma Setema 2019. O vaega maoti e pei o Galuega Tetele, Auaunaga Faafaletupe, vaega o e umia fale ma le Felauaiga na fesoasoani o latou sao taitasi e 4.0, 3.3, 2.1 ma le 1.5 i le siitia o le tamaoaiga i le 0.7% faaalua i le Kalafi 5.

**Kalafi 5: Faapaseneina o le sao o Vaega Maoti taitasi i le tamaoaiga, Tausaga faaiu ia Mati 2020**




# Iloiloga o Vaega Maoti taitasi

VAEGA O FAATOAGA	Tamaoiga Mati 2019	Tamaoiga Tesema 2019	Tamaoiga Mati 2020	Suiga i % fua i le kuata o Tesema 2019	Suiga i % fua i le kuata o Mati 2019
Tamaoiga (fua kuata) Tala Samoa (\$'000)	46.8	45.6	46.3	1.6	-1.1
Tamaoiga (fua ile tausaga 2013) Tala Samoa (\$'000)	40.8	40.9	39.3	-3.8	-3.5
Sao o Vaega i le suiga i le kuata (pasene)	-0.1	0.2	-0.3		
Saofaga i le tuufaatasiga faa-le-kuata (tamaoiga i pasene)	8.4	8.4	8.6		

**Kalafi 6: Suiga i Pasene o le Vaega o Faatoaga (fua ile tausaga e 2013), Mati 2016 - Mati 2020**

Na faamauina le aofaiga o le tamaoiga o le Vaega o Faatoaga i le \$39.3 miliona i le kuata o Mati 2020 pe a fua i le tau o oloa 2013. E 3.5% na tuuaititiia ai pe a faatusa i le kuata lava lenei ile 2019. O lenei taunuuga o loo atagia ai le pau maualalo ole aotelega ole faaogaina o fua o faatoaga i totonu o le atunuu ile 4.3%; e 1.7% na pau ai fua o faatoaga auina atu i maketi i totonu o le atunuu ae 4.7% na faaititiia ai le faaogaina o fua o faatoaga mo le tausiga o aiga. Na faamauina le maualalo o le aofai o oloa tau faatoaga na tuuina atu mo fefaatauaiga e aofia ai fa'i (pau ile 6.9%), 'ulu (pau ile 5.7%), kapi (pau ile 44.9%), tamato (pau ile 5.8%), kukama (pau ile 13.2%) ma le maukeni (pau ile 28.5%).

Na tuuaititiia fo'i fua o faatoaga auina atu i atunuu mamao i le 43.3% fua i le kuata lava lea o le tausaga ua te'a.




FAIGAFAIVA	Tamaoiga Mati 2019	Tamaoiga Tesema 2019	Tamaoiga Mati 2020	Suiga i % fua i le kuata o Tesema 2019	Suiga i % fua i le kuata o Mati 2019
Tamaoiga (fua kuata) Tala Samoa (\$'000)	11.2	9.4	8.7	-8.0	-22.5
Tamaoiga (fua ile tausaga 2013) Tala Samoa (\$'000)	8.6	6.9	6.1	-12.5	-29.8
Sao o Vaega i le suiga i le kuata (pasene)	0.1	-0.4	-0.5		
Saofaga i le tuufaatasiga faa-le-kuata (tamaoiga i pasene)	2.0	1.7	1.6		

**Kalafi 7: Suiga i Pasene o Faigafaiva (fua i le tausaga e 2013), Mati 2016 - Mati 2020**

A fua i le tau o oloa ile tausaga faavae (2013), e 29.8% na faaititiia ai le tamaoiga i le vaega maoti o faigafaiva fua i le kuata lava lea o le tausaga ua te'a. O loo faaauu pea le pau maualalo o le tamaoiga i le nei vaega maoti talu mai le kuata o Mati 2017 sei vagana ai le kuata o Mati 2019 sa siitia ai le tamaoiga pei o na faaalai i le Kalafi 7.

O le tulaga vaivai ile tamaoiga o Faigafaiva o loo atagia ai le pau ile aofai o i'a fou auina atu i fafo i le 31.2% o loo faamauina i le Ripoti o Fefaatauaiga i Fafo a le Faletupe Tutotonu o Samoa mo le piriota o loo iloiloina fua i le kuata o Mati 2019. E 22.5% na pau maualalo ai le tamaoiga o le vaega o Faigafaiva fua ile kuata lava lea o le tausaga ua te'a. Na faapena foi ona tuuaititiia le sao ole vaega maoti i le tuufaatasiga faa-le-kuata o le tamaoiga mai i le 2.0% ia Mati 2019 i le 1.6% i le kuata o Mati 2020.




# Iloiloga o Vaega Maoti taitasi

VAEGA O GAOSIA MEAAI MA VAI INU	Tamaoiga Mati 2019	Tamaoiga Tesema 2019	Tamaoiga Mati 2020	Suiga i % fua i le kuata o Tesema 2019	Suiga i % fua i le kuata o Mati 2019
Tamaoiga (fua kuata) Tala Samoa (\$'000)	24.8	18.3	17.9	-2.3	-27.8
Tamaoiga (fua ile tausaga 2013) Tala Samoa (\$'000)	22.2	17.3	16.9	-2.6	-24.2
Sao o Vaega i le suiga i le kuata (pasene)	0.5	-0.5	-1.1	<b>Kalafi 8: Tamaoiga maua mai Oloa Gaosi o Meaai &amp; Vai Inu ma le suiga mai i kuata taitasi i pasene, Mati 2016 - Mati 2020</b>	
Saofaga ile tuufaatasiga faa-le-kuata (tamaoiga i pasene)	4.4	3.4	3.3		

O le tamaoiga (fua i le tausaga faavae 2013) faamauina a le vaega o gaosia meaai ma vai inu e \$16.9 miliona ile kuata o Mati 2020; ua faamauina ai le pau i le 24.2% ile tamaoiga fua i le kuata o Mati 2019. O le kuata lona lua leni ua faamauina ai le faaitiitia o lona tamaoiga; e sosoo mai lea ma le fa kuata o faamauina lava le lelei o le tamaoiga pei ona faaalia i le Kalafi 8. E -1.1 pasene le sao o lea vaega i le suiga o le tamaoiga i le kuata o loo iloiloina.


I le iloiloina o le gasologa o le tamaoiga i totonu o le kuata, e \$17.9 miliona lona aofa'i, ua faaitiitia i le 27.8%. Ua tuuaitiitia lona sao ile tuufaatasiga faa-le-kuata o le tamaoiga mai i le 4.4 pasene ia Mati 2019 i le 3.3 pasene i le kuata o loo iloiloina.



VAEGA O ISI OLOA GAOSI	Tamaoiga Mati 2019	Tamaoiga Tesema 2019	Tamaoiga Mati 2020	Suiga i % fua i le kuata o Tesema 2019	Suiga i % fua i le kuata o Mati 2019
Tamaoiga (fua kuata) Tala Samoa (\$'000)	13.6	11.5	11.9	3.3	-12.4
Tamaoiga (fua ile tausaga 2013) Tala Samoa (\$'000)	10.9	9.6	9.3	-2.9	-15.0
Sao o Vaega i le suiga i le kuata (pasene)	0.5	0.2	-0.3	<b>Kalafi 9: Tamaoiga maua mai le Vaega o isi Oloa Gaosi, Mati 2016 -</b>	
Saofaga ile tuufaatasiga faa-le-kuata (tamaoiga i pasene)	2.4	2.1	2.2		

Pe a fua i le tau o oloa o le tausaga faavae 2013, e \$9.3 miliona le aofai o le tamaoiga maua i le vaega o Isi Oloa Gaosi na faamauina i le kuata o Mati 2020. Na pau le tamaoiga i lea vaega i le 15.0% pe a fua i le kuata o Mati 2019. O loo o gatusa lea tulaga faamauina i le tamaoiga ma le tuuaitiitia o le fuainumera faamauina o tagata faigaluega i le vaega o Isi oloa gaosi i le 1.8% (o loo taua i le Faamaumauga o Tagata Faigaluega mo Mati 2020).


E \$11.9 miliona le tamaoiga maua na faamauina pe a fua i le tau o oloa i totonu o le kuata mo le nei vaega; e 2.2 pasene lona sao i le tuufaatasiga faa-le-kuata o le tamaoiga. Na faaitiitia lona tamaoiga i totonu o le kuata i le 12.4% fua i le kuata lava lea o le tausaga ua te'a.



# Iloiloga o Vaega Maoti taitasi

<b>GALUEGA TETELE</b>	<b>Tamaoaiga Mati 2019</b>	<b>Tamaoaiga Tesema 2019</b>	<b>Tamaoaiga Mati 2020</b>	<b>Suiga i % fua i le kuata o Tesema 2019</b>	<b>Suiga i % fua i le kuata o Mati 2019</b>
Tamaoaiga (fua kuata) Tala Samoa (\$'000)	40.1	41.6	34.1	-18.0	-14.9
Tamaoaiga (fua ile tausaga 2013) Tala Samoa (\$'000)	38.6	39.5	32.5	-17.7	-15.8
Sao o Vaega i le suiga i le kuata (pasene)	1.6	0.7	-1.2	<b>Kalafi 10: Tamaoaiga maua mai le Vaega o Galuega Tetele ma le suiga mai i kuata taitasi i pasene, Mati 2016 - Mati 2020</b>	
Saofaga ile tuufaatasiga faa-le-kuata (tamaoaiga i pasene)	7.2	7.6	6.3		


I le vaega o Galuega Tetele, e \$32.5 miliona le tamaoaiga maua i lea vaega maoti pea fua ile tausaga faavae 2013; ua pau i le 15.8% le tamaoaiga pe a fua i le kuata o Mati 2019. O le kuata muamua leni ua faamauina ai le pau o le tamaoaiga talu mai le lima kuata sosoo o loo siitia pea le tamaoaiga fua i kuata o tausaga ua te'a i totonu o le nei vaega maoti. Na faamauina le pau i le 58.0% o galuega ma atina'e tetele a le malo mo auunaga i tagata lautele. O loo faapena foi ona atagia ai i lea fuainumera faamauina le tuuitiitia i le 46.0% o oloa faaulufale mai ile atunuu mo le faatinoina o galuega tetele ile kuata o loo iloiloaina. O loo faaaauu pea le faatinoga ma le faamaeaina o galuega tetele i poloketi o loo galueaina e le Malo. E -1.2% le sao o Galuega Tetele ile suiga o le tamaoaiga mo le kuata o Mati 2020.



<b>ELETISE MA SUAVAI</b>	<b>Tamaoaiga Mati 2019</b>	<b>Tamaoaiga Tesema 2019</b>	<b>Tamaoaiga Mati 2020</b>	<b>Suiga i % fua i le kuata o Tesema 2019</b>	<b>Suiga i % fua i le kuata o Mati 2019</b>
Tamaoaiga (fua kuata) Tala Samoa (\$'000)	17.0	15.9	16.5	4.0	-3.0
Tamaoaiga (fua ile tausaga 2013) Tala Samoa (\$'000)	16.1	14.5	14.7	1.0	-9.0
Sao o Vaega i le suiga i le kuata (pasene)	0.3	-0.2	-0.3	<b>Kalafi 11: Tamaoaiga maua mai le Vaega o Eletise &amp; Suavai, Mati 2016 - Mati 2020</b>	
Saofaga ile tuufaatasiga faa-le-kuata (tamaoaiga i pasene)	3.1	2.9	3.0		

E \$14.7 miliona le tamaoaiga sa maua ile vaega maoti o le Eletise ma le Suavai i le kuata o Mati 2020 pea fua ile tausaga faavae 2013, ua pau maualalo ai ile 9.0% fua i le tamaoaiga faamauina i le kuata o Mati 2019. O le nei pau o loo atagia ai le faaitiitia ole Suavai gaosia ile 20.1%. E 10.4% sa siitia ai le tamaoaiga maua mai i le Eletise pea faatusa i a Mati 2019, ma e lei malosia tele lea siitaga e taofi ai le pau maualalo ole Suavai i le kuata o loo iloiloaina.

O le sao ole vaega a le Eletise ma Suavai ile tamaoaiga mo le kuata o loo iloiloaina e -0.3 pasene i le tuufaatasiga o le tamaoaiga o le atunuu.




# Iloiloga o Vaega Maoti taitasi

FEFAATAUAIGA	Tamaoiga Mati 2019	Tamaoiga Tesema 2019	Tamaoiga Mati 2020	Suiga i % fua i le kuata o Tesema 2019	Suiga i % fua i le kuata o Mati 2019
Tamaoiga (fua kuata) Tala Samoa (\$'000)	180.9	165.7	177.7	7.2	-1.8
Tamaoiga (fua ile tausaga 2013) Tala Samoa (\$'000)	165.2	154.3	162.3	5.2	-1.7
Sao o Vaega i le suiga i le kuata (pasene)	0.1	-2.7	-0.6		
Saofaga ile tuufaatasiga faa-le-kuata (tamaoiga i pasene)	32.4	30.4	32.8		

**Kalafi 12: Tamaoiga maua mai i Fefaatauaiga ma le suiga mai i kuata taitasi i pasene, Mati 2016 - Mati 2020**

O loo faaauu pea ona taimua le vaega o Fefaatauaiga i le tele o le saofaga ile tuufaatasia ole tamaoiga atoa faatusa i isi vaega maoti e tusa lea ma le \$162.3 miliona fua i le tausaga faavae 2013. E 1.7% o loo faaitiitia ai le tamaoiga maua i fefaatauaiga pea fua i le kuata lava lea i le tausaga ua tea. E \$177.7miliona le tamaoiga fua i totonu o le kuata sa faamaui-na, ma e 1.8% o loo tuutiitia ai lea vaega i lona faapaseneina.

O le pau i le tamaoiga maua mai i fefaatauaiga na afua mai ona ua faaitiitia oloa faatau taitasi e pei o meaa ma vaiinu, penisini, oloa faaogaina ai kesi faapea oloa mo manaoga masani. O loo o gatusa le tulaga vaivai faamaui-na ma le faaitiitia ai o seleni ma tupe maua mai i turisi ma tagata tafafao ma maimoa mai i fafo i le 34.6%.




FALETALIMALO MA FALEAIGA	Tamaoiga Mati 2019	Tamaoiga Tesema 2019	Tamaoiga Mati 2020	Suiga i % fua i le kuata o Tesema 2019	Suiga i % fua i le kuata o Mati 2019
Tamaoiga (fua kuata) Tala Samoa (\$'000)	11.6	13.1	10.2	-21.7	-11.9
Tamaoiga (fua ile tausaga 2013) Tala Samoa (\$'000)	10.5	11.8	8.9	-24.5	-14.6
Sao o Vaega i le suiga i le kuata (pasene)	0.6	-0.1	-0.3		
Saofaga ile tuufaatasiga faa-le-kuata (tamaoiga i pasene)	2.1	2.4	1.9		

**Kalafi 13: Tamaoiga maua mai i Faletalimalo & Faleaiga ma le suiga mai i kuata taitasi i pasene, Mati 2016 - Mati 2020**

O le vaega o Faletalimalo ma Faleaiga sa mafai ona faamaui-na le tamaoiga fua i le tausaga faavae (2013) e \$8.9 miliona, ma o loo pau ai ile 14.6% pea fua i le kuata o Mati 2019. Na malosi le afaina o lea vaega i le faama'i o le misela faatasi ai ma le tapunia o tuaoi faa-va-o-malo o le atunuu i lalo o Poloaiga o faalavelave faafuasei na faamamaluina i le faaiuga o le masina o Mati 2020. O le aofai o tagata faimalaga mai i totonu o le atunuu na faamaui-na i le kuata o Mati 2020 le pau maualalo il e 57.3% fua i le kuata o Mati 2019.

E \$10.2 miliona le tamaoiga fua i le tamaoiga i totonu o le kuata (current prices); na faaitiitia foi i le 11.9% fua i le kuata o Mati 2019. E -0.3% le saofaga a le vaega o Faletalimalo ma Faleaiga i le tamaoiga faatasi ai ma lona saofaga i le tuufaatasiga faa-le-kuata o le tamaoiga e 1.9 pasene.




# Iloiloga o Vaega Maoti taitasi

FELAUAIAGA	Tamaoiga Mati 2019	Tamaoiga Tesema 2019	Tamaoiga Mati 2020	Suiga i % fua i le kuata o Tesema 2019	Suiga i % fua i le kuata o Mati 2019
Tamaoiga (fua kuata) Tala Samoa (\$'000)	20.7	20.9	17.4	-16.6	-15.8
Tamaoiga (fua ile tausaga 2013) Tala Samoa (\$'000)	19.3	19.6	16.5	-15.6	-14.6
Sao o Vaega i le suiga i le kuata (pasene)	0.8	-0.4	-0.6	<b>Kalafi 14: Tamaoiga maua mai le Vaega o Felauaiga ma le suiga mai i kuata taitasi i pasene, Mati 2016 - Mati 2020</b>	
Saofaga ile tuufaatasiga faa-le-kuata (tamaoiga i pasene)	3.7	3.8	3.2		

O le vaega o Felauaiga e \$16.5 miliona le tamaoiga faamauiina ile kuata o Mati 2020; e 14.6% na pau maualalo ai le tamaoiga fua i le kuata o Mati 2019. O le pau na iai le tamaoiga i lea vaega e afua mai i le faaitiitia o nofoaga teu oloa faatasi ai ma felauaiga o oloa i fale teu oloa. E 22.8% na faaitiitia ai le tamaoiga maua i felauaiga i le vasa ma le laueleele. E -0.6% le sao a lea vaega ile tuufaatasiga o le tamaoiga.


O loo faamauiina i le Ripoti o Tagata Faigaluega mo le masina o Mati 2020 le pau o le fuainumera o tagata faigaluega mo le vaega o Felauaiga i le 4.2%. Na faapena foi ona taofia auunaga o femalagaiga mo tagata lautele aga'i ile faaiuga o le masina o Mati aua le tausisia o poloaiga faamalosalia o Faalavelave Faafuasei mo le atunuu.



FESOOTAIGA	Tamaoiga Mati 2019	Tamaoiga Tesema 2019	Tamaoiga Mati 2020	Suiga i % fua i le kuata o Tesema 2019	Suiga i % fua i le kuata o Mati 2019
Tamaoiga (fua kuata) Tala Samoa (\$'000)	28.3	36.9	37.2	0.8	31.2
Tamaoiga (fua ile tausaga 2013) Tala Samoa (\$'000)	24.2	31.8	31.6	-0.7	30.4
Sao o Vaega i le suiga i le kuata (pasene)	-0.8	-0.8	1.5	<b>Kalafi 15: Tamaoiga maua mai i Fesootaiga ma le suiga mai i kuata taitasi i pasene, Mati 2016 - Mati 2020</b>	
Saofaga ile tuufaatasiga faa-le-kuata (tamaoiga i pasene)	5.1	6.8	6.9		

O le vaega o Fesootaiga e \$31.6 miliona le tamaoiga maua i le kuata o Mati 2020; na siitia tamaoiga i lea vaega i le 30.4% fua i le kuata o Mati ile tausaga ua tea. O le sao o Fesootaiga i le tamaoiga o le atunuu i totonu o le kuata o loo iloiloaina e 1.5 pasene lona sao i le tamaoiga i le suiga i le kuata. O le sao o le vaega i le tuufaatasiga o le tamaoiga faa-le-kuata na siitia i le 6.9 pasene.

O le lelei o faatinoga i gaioga i totonu o le vaega e afua mai i le siitia o le manaoga mo oloa ma auunaga tau-fesootaiga a'o feagai ai le atunuu ma fa'afitauli mafua mai i le faamai o le misela faatasi ai ma poloaiga faamalosalia ma lapataiga mo le faamai o le Corona (Covid-19). Na siitia foi le fuainumera o tagata faigaluega i le vaega o Fesootaiga i le 8.3% mo le kuata o loo iloiloaina.




# Iloiloga o Vaega Maoti taitasi

AUAUNAGA FAAPISINISI	Tamaoiga Mati 2019	Tamaoiga Tesema 2019	Tamaoiga Mati 2020	Suiga i % fua i le kuata o Tese- ma 2019	Suiga i % fua i le kuata o Mati 2019
Tamaoiga (fua kuata) Tala Samoa (\$'000)	18.3	19.3	15.7	-18.6	-13.7
Tamaoiga (fua ile tausaga 2013) Tala Samoa (\$'000)	18.4	19.8	15.6	-21.2	-15.4
Sao o Vaega i le suiga i le kuata (pasene)	-1.7	-0.6	-0.6		
Saofaga ile tuufaatasiga faa-le- kuata (tamaoiga i pasene)	3.3	3.5	2.9		

**Kalafi 16: Tamaoiga maua mai le Vaega o Auaunaga Faapisinisi ma le suiga mai i kuata taitasi i pasene, Mati 2016 - Mati 2020**


E \$15.6 miliona le tamaoiga sa faapea ona maua mai ile vaega maoti o Auaunaga Faapisinisi i le kuata o Mati 2020 fua ile tausaga faavae 2013; e 15.4% le pau sa iai pea fua i le tamaoiga faamauina faaletausaga. O loo faaalai ai le fitu o tausaga sosoo o loo pau pea le tamaoiga maua mai i lea vaega. O le nei tulaga faaletonu i le tamaoiga o loo faamaonia ai le faaitiitia o auaunaga a vaega tumaoti ma vaega faapisinisi o loo faaogaina e le mamalu o le atunuu lautele. E \$15.7 miliona le tamaoiga ole kuata o Mati 2020 ma e 13.7% ua faaitiitia ai le fuainumera fua i le kuata lava lea o le tausaga ua tea. E 2.9% le sao o le vaega o Auaunaga Faapisinisi i le tamaoiga faa-le-kuata, ma e 0.4 ua pau ai le fuainumera pea fua i le kuata lava lea o le tausaga ua tea.



AUAUNAGA TAITOATASI & ISI	Tamaoiga Mati 2019	Tamaoiga Tesema 2019	Tamaoiga Mati 2020	Suiga i % fua i le kuata o Tese- ma 2019	Suiga i % fua i le kuata o Mati 2019
Tamaoiga (fua kuata) Tala Samoa (\$'000)	14.9	12.8	11.6	-9.3	-21.8
Tamaoiga (fua ile tausaga 2013) Tala Samoa (\$'000)	14.0	12.1	10.7	-11.6	-23.4
Sao o Vaega i le suiga i le kuata (pasene)	-0.4	0.1	-0.6		
Saofaga ile tuufaatasiga faa-le- kuata (tamaoiga i pasene)	2.7	2.3	2.1		

**Kalafi 17: Tamaoiga maua mai le Vaega o Auaunaga a Tagata Taitoatasi ma Isi Auaunaga, Mati 2016 - Mati 2020**

O le vaega o Auaunaga Taitoatasi ma isi sa faamauina le faaitiitia o lona tamaoiga i le 23.4% pea fua i le kuata o Mati 2019; ua toe foi le vaega i lona tulaga maua masani ai ina ua maea le lua kuata o silitia lona tamaoiga fua i le kuata o le tausaga ua te'a. E \$10.7 miliona le aofai o le tamaoiga fua i le tausaga faavae 2013, ma e -0.6 pasene lona sao i le suiga o le tamaoiga i totonu o le kuata. Na faaitiitia le fuainumera o tagata faigaluega i totonu o lea vaega ile 1.8% i le piriota o loo iloiloaina. I le tamaoiga i totonu lava o le kuata (current prices), e 21.8% na tuuaitiitia ai le saofaga a le vaega fua i le kuata o Mati 2019. Na pau le saofaga i le tuufaatasiga faa-le-kuata o le tamaoiga mai i le 2.7 pasene i le 2.1 pasene i le kuata o Mati 2020.




# Iloiloga o Vaega Maoti taitasi

VAEGA A LE MALO	Tamaoiga Mati 2019	Tamaoiga Tesema 2019	Tamaoiga Mati 2020	Suiga i % fua i le kuata o Tesema 2019	Suiga i % fua i le kuata o Mati 2019
Tamaoiga (fua kuata) Tala Samoa (\$'000)	45.9	47.6	48.6	2.2	6.1
Tamaoiga (fua ile tausaga 2013) Tala Samoa (\$'000)	36.1	37.0	36.6	-0.9	1.5
Sao o Vaega i le suiga i le kuata (pasene)	0.1	0.2	0.1		
Saofaga ile tuufaatasiga faa-le-kuata (tamaoiga i pasene)	8.2	8.7	9.0		

**Kalafi 18: Tamaoiga maua mai le Vaega a le Malo ma le suiga mai i kuata taitasi i pasene, Mati 2016 - Mati 2020**

E 1.5% na siitia ai le tamaoiga maua mai i le vaega a le Malo pea fua i le kuata o Mati 2019; e \$36.6 miliona le tamaoiga na faamauina i le kuata o Mati 2020 pea fua i le tausaga faavae 2013. O le nei tulaga lelei na aliae mai i le kuata o Mati 2020 na afua mai i le siitia o auunaga mo tagata lautele e pei o auunaga faa-le-pulega, faa-le-tulafono, tau-tupe ma isi lava vaega o le malo o loo mafai ona vaaiaa tulaga i agafesootai aemaise le tamaoiga lautele.


A fua i le tamaoiga i totonu ole kuata, e 6.1% na siitia ai le tamaoiga faamauina (\$48.6 miliona) sa maua mai i lea vaega. O loo faamautuina pea le tulaga tolu ai o le vaega a le Malo i le mauiluga o lona sao i le tuufaatasiga o le tamaoiga faa-le-kuata e tusa lea ma le 9.0%.



AUAUNAGA FAA-FALETUPE	Tamaoiga Mati 2019	Tamaoiga Tesema 2019	Tamaoiga Mati 2020	Suiga i % fua i le kuata o Tesema 2019	Suiga i % fua i le kuata o Mati 2019
Tamaoiga (fua kuata) Tala Samoa (\$'000)	50.3	53.7	53.2	-0.8	5.8
Tamaoiga (fua ile tausaga 2013) Tala Samoa (\$'000)	51.5	53.3	54.1	1.5	4.9
Sao o Vaega i le suiga i le kuata (pasene)	0.3	0.6	0.5		
Saofaga ile tuufaatasiga faa-le-kuata (tamaoiga i pasene)	9.0	9.8	9.8		

**Kalafi 19: Tamaoiga maua mai ile Vaega o Auunaga Faa-faletupe ma le suiga mai i kuata taitasi i pasene, Mati 2016 - Mati 2020**

I le vaega o Auunaga Faa-faletupe, e 4.9% ua mauiluga ai le tamaoiga o lea vaega fua i le kuata lava lea o le tausaga ua te'a. O loo faaauu pea le siitia ma le lelei o le tamaoiga maua mai i lea vaega maoti talu mai le kuata o Tesema 2013. E \$54.1 miliona lona tamaoiga i le kuata o Mati 2020 fua i le tausaga faavae (2013), o le tamaoiga pito sili lea ona mauiluga i le vaega o Auunaga Faa-faletupe talu ona amata faamaumauina le tamaoiga o le atunuu. E 0.5 pasene le sao o le vaega o Auunaga Faa-faletupe i le suiga o le tamaoiga i le kuata. O le agai pea i luma o le tulaga lelei i lea vaega maoti e afua mai ile faatuputupulaia o le manaomia o gaoiga ma auunaga i faletupe, lisi, inisia aemaise isi gaoiga e afua mai i lea vaega o loo aofai i totonu o le kuata o loo iloiloaina. O le fuainumera o tagata faigaluega mo le vaega maoti na siitia i le 6.3% faamauina ile ripoti o tagata faigaluega mo le kuata o Mati 2020.



# FAAMATALAGA, SUIGA & ATINAE FOU I FAAMAUMAUGA O LE TAMAOAIGA

## FAAMATALAGA

O le tuufaatasia o faamaumauga tau i le tamaoaiga e feagai pea ma luitau, o le mafuaaga lea e alagata ai ona matuai lelei ma atoatoa faailoilo e faaogaina ma ia mautinoa ai e iai lava suiga ma iloiloga i faamaumauga aemaise lava i faamaumauga o kuata poo tausaga ua mavae pe afai ae maua nisi faamaumauga fou ma talafeagai ma taiala e tuufaatasia ai faamaumauga tau tamaoaiga.

O lenei ripoti faalekuata ua ono a'i ripoti o faamaumauga tau i le tamaoaiga ua faamatuuina ma o loo faaogaina ai le tausaga faavae o le 2013 (GDP estimates at 2013 prices). E faaauu pea lenei lomiga ma e mafai foi ona maua i luga o le upega tafailagi a le Ofisa o Fuainumera Faamauina [www.sbs.gov.ws](http://www.sbs.gov.ws).

## FUAINA O LE TAMAOAIGA

O faamaumauga i le tamaoaiga o se taiala aloaia ua faaogaina e Samoa e mataitu ai lona tamaoaiga. Ua faaogaina le taiala faavaomalo ole production approach po o le faaogaina o tupe faasili e maua mai i Oloa ma Auaunaga o loo faatinoina e Vaega Maoti taitasi o le tamaoaiga e fua ai suiga ma le aotelega o le tamaoaiga o le atunuu ina ua maea ona ave ese le tau o oloa mai si auaunaga na faaogaina. E mafai foi ona faapea o tupe mama poo polofiti o Vaega Maoti uma o le tamaoaiga.

**Vaevaeina o Vaega Maoti o le Tamaoaiga:** O pepa faapoopo ua tuuina atu ai faamaumauga a Vaega Maoti o le tamaoaiga ma o lona vaevaeina o loo mulimulitai i le taiala faavaomalo o le Vaevaeina o Vaega Maoti o le Tamaoaiga poo le ISIC Lomiga 3.1. E matuai taua le usitaia o le nei taiala ina ia mautinoa le sao o faamaumauga e patino i Vaega eseese ma ia lelei ma atoatoa ai faamaumauga e faamatuuina atu.

- Vaega Muamua (Faatoaga ma Faigafaiva)
- Vaega Lua poo le Vaega o Oloa Gaosi (Oloa Gaosi, Galuega Teletele, Eletise & Suavai)
- Vaega Tolu poo Vaega o Auaunaga (Fefaatauaiga o Oloa siatoa, Faleoloa laiti ma faletalimalo, felauaiga, falemeli ma fale faaputu-oloa, auaunaga faafaasalalauga ma fesootaiga, auaunaga faafaletupe ma inisiua, auaunaga totogi aso ma fefaatauaiga o fanua, galuega eseese, faasaienetisi, tomiai faapitoa, auaunaga lautele, auaunaga faaleMalo, saogalemu, aoaoga, soifua maloloina, faatufugaga o tomiai eseese ma isi auaunaga.

## SUIGA

E ono suia faamaumauga ua tuuina atu i le nei ripoti i le lumanai ona o suiga i fuainumera o loo tuuina mai..

*Aliimuamua Malaefono Taua-T. Faasalaina*

## PULE SILI



**Ofisa o Fuainumera Faamauina**

**Vaiga Taula'i:**  
**"Avea le Ofisa o Fuainumera Faamauina  
ma taitai i le tuufaatasia ma le tuuina atu  
o fuainumera faamauina sa'o ma le**

Vaega o Faamaumauga tau Tupe ma le Tamaoaiga  
Maota FMFMII, Fogafale 2 Pusa Meli 1151  
Apia, Samoa

Telefoni: (685) 62006 / 29326  
Telesi: (685) 24675  
Imeli: [fsd@sbs.gov.ws](mailto:fsd@sbs.gov.ws)